

Claudii Fleurii Abbatis Historia Ecclesiastica

Ab Anno Christi 888. Usque Ad Annum 1000

Fleury, Claude

August. Vind. [u.a.], 1761

VD18 90117921

§. 9. S. Udalricus Episcopus Augustanus.

[urn:nbn:de:hbz:466:1-66313](https://nbn-resolving.de/urn:nbn:de:hbz:466:1-66313)

§. IX.

Sæculum X.
A. C. 932.

S. Udalricus Episcopus Augustanus.

Episcopus ille Augustanus, qui huic ^{vit. Sæc. V.} Concilio interfuit, erat S. Udalricus, ^{A&R. Ben.} eximium Sæculi sui Decus. Is excelsa ^{p. 415.} prosapia Allemannorum natus anno o-
ctingentesimo nonagesimo tertio, in ^{Sup. Lib.} ^{LIV. §. 57.} Abbatia S. Galli educatus, & literis im-
butus, diebus Festis invisebat S. Wibo-
radam reclusam, quæ ad fenestram stan-
ti colloquens, salutaria monita, præ-
fertim ad conservandam corporis puri-
tatem suggerebat. Atque ut hujus vir-
tutis daret aliquod monumentum, ei
Sancta Virgo cingulum suum & partem
cilicij tradidit, quæ dormienti cervicalis
loco essent. S. Virginis, quam nutricem
suam appellabat, exhortationibus admo-
dum delectatus, diutius quam constitue-
rat, studiis liberalibus in Monasterio ^{vit. S. Wibo.}
S. Galli vacavit, eamque consuluit, an
sibi expediret, Monachum in eodem
monasterio fieri; id enim fratres cupe-
re, qui eum Abbatem sibi exoptarent.
Illa respondit, ipsi onus Episcopale de-
stinari ad fluvium quemdam, & locum
orientem versus positum, ubi eum mul-
tae ærumnæ manerent.

Udalricum, absoluto in Monasterio
S. Gallensi studiorum curriculo rever-
sum, parentes ad obsequia præstanda
misi-

Sæculum X. miserunt Adalberoni Episcopo Augusta.
A. C. 932. no, illam Sedem jam ab anno 887. te-
 nenti, viro docto, & in primis Musica
 peritissimo, cuius maxime consiliis Rex
 Ludovicus Arnulphi filius in Reipubli-
 cæ regimine utebatur. Præter alia be-
 neficia Episcopus contulit Udalrico præ-
 fecturam Cameræ Ecclesiæ suæ; unde
 ipsius erat officii vestes Clericis & pau-
 peribus distribuere. Sub illud tempus
 Udalricus, Romam peregrinatus, mor-
 tem Adalberonis Episcopi sui comperit,
 ipso Papa referente, qui ei prædictis,
 quod defuncto post aliquot annos succe-
 surus esset. Tunc vero Hiltinus, Epis-
 copus Augustanus, ordinatus est, quem
 cum Udalricus non his natalibus ortum
 esse sciret, ut ei servire sibi conveniret,
 ad matrem se contulit tunc elato mari-
 to viduam, ejusque curam in se suscep-
 pit.

Tandem Hiltino post annorum quin-
 decim cursum, nempe anno 924. vita
 functo, solicitante Burchardo Allemanniæ
 Duce, Udalrici nepote, aliisque Propin-
 quis idem rogantibus, Regi Henrico
 præsentatur Udalricus, cui Ecclesiam
 Augustanam conferret. Concessit Rex,
 quod petebatur, addens, se virum Udal-
 rico doctiorem non novisse. Ergo Au-
 gustam deducitur, & in Festo Innocen-
 tium ordinatur. Tum S. Udalricus ni-
 hil

hil antiquius habuit, quam Ecclesiam Sæculum X.
suam sedente Antecessore suo flammis A.C. 933.
vastatam restaurare, quod difficillimi o-
peris molimen fuit; quippe vicinis ur-
bibus a Paganis, videlicet Hungaris, de-
structis & incensis, Ecclesiæ servis ma-
ximam partem occisis, reliqui cum ex-
trema paupertate conflictabantur. Ce-
terum Episcopus præstituto tempore ad
Regem obsequii causa pergebat.

§. X.

Ecclesia Hispaniæ.

In Hispania Alfonus IV. postquam an- *Sampir.*
nis aliquot rerum potitus esset, Mun- p. 66. 67.
do valedicere & cucullo se involvere a-
nimo constituit. Quia vero Ordognus
eius filius puerum necdum egressus erat,
vocato ad se Fratre Ramiro, quod con-
silium cepisset, aperit, Regnum tradit,
& in Monasterium S. Fagonis se recipit.
Verum ecce, cum post aliquod temporis
spatum victus regnandi desiderio iterum
coronam appeteret, captus a fratre, o-
culis privatur. Ceterum Alfonlus,
Monachus, nam nomen hæsit, univer-
sim annis septem, totidemque mensibus
regnavit. Ramirus II. vero anno 933.
Æra 971. resumtis Regni habenis, filiam
suam Geloiram seu Elviram Deo con-
secravit, eique in Civitate Legionensi
magnum Monasterium honori S. Salva-
toris